

Wir grave Heinrich und grave Gunther gebrudere graven von Swarczburg, herrin
 czu Arnstete und czu Sundirshusen, bekennen —: also als der hochgeborne furste und herre
 herre Wilhelm der eldere marcgrave yn Mißen und lantgrave czu Doringen solche lehin
 obir Arnstete huß und stad mit syner czugehorunge vor cziiten dem erwerdigen in gote
 5 vater und herrin dem abbe, stifte und convente czu Hersvelde abegekouft had, dyselbin
 lehen unsire eldirn und wir von demselbin abbe, stifte und convente czu Hersvelde
 czu rechteme lehene gehabt habin, und der genante abbt, stift und convent habin uns
 und unsire erbin nû damete gewiset an den genantin unsirn liebim gnedigen herrin
 Wilhelm marcgraven czu Mißen und wir habin dy genantin unsire sloße und stat Arn-
 10 stete mit syner czugehorunge recht und redelich von ime entphanen und er had uns
 damete mit allin fryheiten, werdin, eren und rechtin belehend glichir wise und yn allir
 maße, als wir und unsire eldirn daz vore von dem genantin abbate, stifte und convente
 czu Hersvelde czu lehene gehabt habin. Darumbe habin wir unsir sloß Strußberg mit
 syner czugehorunge, daz vore unsir eigen gewest ist, von dem genantin unsirme gnedigin
 15 herrin Wilhelm marcgraven czu Mißen entphanen czu rechteme lehene, und wir und
 unsir erbin sollin davone syne manne sin als von andirn gutin, dy wir von ime habin.
 Des czu bekentniße habin wir unsire sigille beide an deßen briff gehangen, der gigebin
 ist nach Cristi geburt virczen hundirt iare darnach yn dem andirn iare am suntage als
 man singet yn der heiligen kirchin misericordia domini.

418.

Die Land- und Markgrafen Balthasar und Wilhelm I., die Herzöge Bernhard und Heinrich von
 Braunschweig und Lüneburg, Herzog Friedrich von Braunschweig-Grubenhagen, Landgraf
 Hermann II. von Hessen, die Markgrafen Friedrich IV. und Wilhelm II., Herzog Otto von Braun-
 schweig-Göttingen und Landgraf Friedrich der Jüngere machen ein ewiges Bündniß mit einander.

Nordhausen, 1402 Apr. 12.

Hdschr.: Or. Perg. Hauptstaatsarchiv Dresden No. 5206. Die 9 SS. (das 1., 2., 7 u. 8. = XVII, 11. XIX, 3.
 XX, 2. XXI, 4) an Pergamentstr. (D). — Or. Perg. Staatsarchiv Hannover Cell. Or. Arch. Des. 8. Schr. IV K. 39
 No. 1. SS. wie bei D (H). — Or. Perg. Landeshauptarchiv Wolfenbüttel Bündnisse Verträge u. s. w. No. 5. SS.
 wie bei D (W). — Or. Perg. (schadhaft). Sammlarchiv Marburg Schubl. 63 No. 15. Von den 9 SS. (an Pergamentstr.)
 30 hängt nur das 3. (Bernhard von Braunschweig) an der Urk., das 4. (Heinrich von Braunschweig) und 6. (Hermann
 von Hessen) liegen lose bei; die andern fehlen (M). — Gleichzeit. Abschriften. Hauptstaatsarchiv Dresden Cop. 29
 fol. 29 u. Cop. 30 fol. 183.

Gedr.: Horn Friedrich d. Streib. 707 (nach Cop. 29). — Sudendorf Urkundenbuch zur Gesch. der Herzöge von Braun-
 schweig und Lüneburg 9, 228 (nach H).

35 Anm.: Vergl. Deutsche Reichstagsakten 5, 311. Küch i. d. Zeitschr. d. V. f. hess. Gesch. N. F. 19, 113.

Wir von gots gnaden Balthazar und Wilhelm gebrüder lantgraven in^{a)} Doringen
 unde marcgraven zû Miessen, Bernhart und Heinrich gebrüder hierczogen zû Brünßwig
 und zû Lünebürg, Friederich hierczoge zû Brünßwig, Hermann lantgrave zû Hessen,
 Friederich und Wilhelm gebrüder marcgraven zû Miessen und lantgraven in^{a)} Doringen,
 40 Otto hierczoge zû Brünßwig und Friederich der iunge^{b)} lantgrave in^{c)} Doringen und

418. a) zcu HWM. b) iunger HWM Cop. 30. c) zcu HW Cop. 30.